



XUNTA
DE GALICIA



XUNTA DE GALICIA
CONSELLERÍA DE ECONOMÍA,
EMPREGO E INDUSTRIA



galicia

CONVENIO DE COLABORACIÓN ENTRE A AXENCIA GALEGA DE INNOVACIÓN, O INSTITUTO GALEGO DE PROMOCIÓN ECONÓMICA, XESGALICIA SOCIEDAD GESTORA DE ENTIDADES DE INVERSIÓN DE TIPO CERRADO S.A.U., O CONSORCIO DA ZONA FRANCA DE VIGO E VIGO ACTIVO SOCIEDAD DE CAPITAL DE RIESGO DE RÉGIMEN SIMPLIFICADO SA; PARA O DESENVOLVEMENTO DA CUARTA EDICIÓN DO PROGRAMA VIAGALICIA.

MEMORIA XUSTIFICATIVA

O director da Axencia Galega de Innovación da Consellería de Economía, Emprego e Industria, **DECLARA:**

Que esta Axencia Galega de Innovación (en diante, GAIN) ten previsto formalizar co Instituto Galego de Promoción Económica (en diante, IGAPE), con XESGALICIA Sociedad Gestora de Entidades de Inversión de Tipo Cerrado SAU (en diante, XESGALICIA), co Consorcio da Zona Franca de Vigo (en diante, O CONSORCIO), e con Vigo Activo Sociedad de Capital de Riesgo de Régimen Simplificado SA (en diante, VIGO ACTIVO) o instrumento convencional arriba referido por un período de vixencia que abrangue dende a sinatura do dito convenio ata o 1 de xuño de 2018

Que o instrumento convencional ten por obxecto:

Sentar as bases de colaboración entre as partes para o desenvolvemento da 4ª Edición do Programa VIAGALICIA, unha iniciativa de aceleración de proxectos innovadores que conta co éxito do desenvolvemento precedente de tres edicións.



O Programa estrutúrase nas seguintes fases:

0. Inspiration Days.
1. Convocatoria (inscrición on line).
2. Start up day (sedes de Vigo e Lugo).
3. Academia (sedes de Vigo e Lugo).
4. Demo day (sedes de Vigo e Lugo).
5. Aceleradora (sede de Vigo).
6. Investors day (sede de Vigo), cuxa realización se estima que teña lugar no segundo semestre de 2017

Ao remate das mesmas, levarase a cabo unha etapa de seguimento consistente no acompañamento aos diferentes proxectos no seu proceso de maduración.

Que existe converxencia de intereses entre as entidades asinantes en orden á consecución do obxecto referido.

Que o instrumento convencional que se pretende asinar se fundamentan no seguinte:

- I. GAIN é unha axencia pública autonómica adscrita á Consellería de Economía, Emprego e Industria, creada polo Decreto 50/2012, do 12 de xaneiro, ao amparo da autorización prevista na disposición adicional segunda da Lei 16/2010, do 17 de decembro, de organización e funcionamento da Administración xeral e do sector público autonómico de Galicia, que, de acordo cos seus estatutos, ten como finalidade “(...) *fomentar e vertebrar as políticas de innovación nas administracións públicas galegas, e o apoio e impulso do crecemento e da competitividade das empresas galegas, a través da implementación de estratexias e programas de innovación eficientes*”.



Para a consecución dos seus obxectivos, GAIN, de acordo co artigo 10 dos seus Estatutos, poderá colaborar con outras administracións públicas, no ámbito das súas respectivas competencias e funcións, e con entes do sector privado, a través dos correspondentes convenios de colaboración.

Dentro das unidades orgánicas nas que se estrutura GAIN, está a Área de Centros. Á dita Área compételle a xestión operativa e dinamización das infraestruturas tecnolóxicas e espazos produtivos de GAIN, en particular, a xestión do CIS Ferrol - Centro de Innovación e Servizos do Deseño e a Tecnoloxía, organismo público adscrito á Axencia, facilitador da transferencia de innovación e tecnoloxías ás Pemes e empresas de sectores clave de Galicia.

Na execución de parte das actividades do presente convenio, contarase co devandito CIS Ferrol.

- II. O IGAPE Axencia, adscrita á Consellería de Economía, Emprego e Industria, para o desenvolvemento económico de Galicia, ten como misión apoiar todas as actividades que contribúan a mellorar o sistema produtivo galego, facilitando os procesos de creación, consolidación e crecemento empresarial.

XESGALICIA (empresa participada polo IGAPE), financia o desenvolvemento empresarial a través da xestión e administración de diferentes e específicos Fondos de Capital Risco.

- III. O CONSORCIO, entidade de dereito público dependente do Ministerio de Hacienda, ten por obxecto a explotación da Zona Franca e a contribución ao desenvolvemento e dinamización económica e social da súa área de influencia, configurándose na práctica, como unha axencia de desenvolvemento local.
- IV. VIGO ACTIVO, empresa pública participada polo CONSORCIO, por Abanca Corporación Industrial y Empresarial S.L, e pola Cámara de Comercio de Vigo,



apoia o crecemento de empresas, fundamentalmente, a través do financiamento de capital risco.

- V. A Xunta de Galicia aposta pola innovación como vía para mellorar a calidade de vida dos cidadáns de Galicia, como panca de eficiencia e de calidade da xestión autonómica, e como polo de atracción de actividades de alto valor engadido.
- VI. O CONSORCIO, no seu carácter de axencia de desenvolvemento local, considera que o fomento ao emprendemento e innovación será un dos piares básicos sobre os que se cimentará o crecemento da economía galega.
- VII. O CONSORCIO, no marco dos seus programas de apoio ao emprendemento e á innovación, creou VIAVIGO, programa de aceleración de proxectos innovadores e invertibles, configurado como un *programa de alto rendemento* de ata 18 meses de duración, que combina, a supervisión dun equipo de expertos en emprendemento, formación, titorización e mentoring, cun espazo de traballo en coworking e coa achega de financiamento para arrancar os proxectos.
- VIII. Tras o éxito da primeira convocatoria, o CONSORCIO, VIGO ACTIVO, GAIN, IGAPE e XESGALICIA, asinan un convenio para o desenvolvemento da Segunda Edición, e, posteriormente, e de cara ao desenvolvemento dunha Terceira Edición, un novo convenio, que incluíu como novidade o establecemento dunha nova sede na provincia de Lugo, ampliando o Programa ao resto da Comunidade autónoma, e facilitando o acceso ao mesmo.

O desdobramento en dúas sedes permitiu facer mais fácil o acceso ao dito Programa e aumentou as posibilidades de abarcar un maior número de candidatos, redundando nunha maior operatividade na xestión do mesmo. A finalidade última perseguida foi a de ampliar o Programa a todas as provincias galegas, baixo a marca global de VIAGALICIA.

Os convenios foron asinados para regular a colaboración e participación activa das partes no desenvolvemento do Programa, mediante actuacións como, prestación de



apoio á comunicación e difusión do Programa, participación no Comité técnico do con funcións de avaliación e selección de proxectos; achega de recursos económicos, tanto para a posta en funcionamento do citado Programa, como encamiñadas a favorecer o desenvolvemento dos proxectos seleccionados, etc.

A colaboración incluíu como obrigas do IGAPE e de XESGALICIA, o apoio na comunicación e difusión do programa, e a concesión de préstamos participativos.

- IX. O CONSORCIO organiza unha Cuarta Edición do Programa VIAGALICIA, na que se prevé o mantemento da sede de Lugo, e da situada en Vigo; onde, en todo caso, se seguirá levando a cabo o desenvolvemento da Fase de Aceleradora.

Como novidade na presente edición, os proxectos que incorporen tecnoloxías facilitadoras e de Fabrica 4.0, poderán realizar actividades nas distintas fases do programa no CIS Ferrol.

Ademais, dentro da colaboración que a Xunta de Galicia e o Consorcio da Zona Franca de Vigo están a realizar para o apoio e consolidación do sector Aeroespacial en Galicia, e tendo en conta o programa de impulso ao Emprendemento e I+D no sector tecnolóxico Aeroespacial, e o Edificio Tecnolóxico Aeroespacial de Porto do Molle, haberá ata un máximo de 4 prazas adicionais na Fase de Aceleración destinadas a aqueles proxectos deste sector que superen con éxito a Fase de Academia e que sexan seleccionados.

- X. A Lei 5/2013, do 30 de maio, de fomento da investigación e da innovación de Galicia, dispón como obxectivo coordinar e potenciar os esforzos destinados a promover o coñecemento científico, contribuír eficazmente á consolidación da posición das empresas e institucións galegas no ámbito competitivo europeo e internacional, e posibilitar un cambio no modelo produtivo galego cara a outro centrado na innovación.



Este Programa alíñase, tanto coas previsións recollidas na citada Lei 5/2013, como coas prioridades contidas no Plan de Estratexia de Especialización Intelixente de Galicia (“RIS3”).

- XI. A Lei 9/2013, do 19 de decembro de 2013, do emprendemento e da competitividade económica en Galicia, ten por obxecto a definición dun marco normativo específico na Comunidade Autónoma de Galicia que incentive a creación e implantación de empresas e o seu posterior desenvolvemento, a través da xeración de cultura emprendedora, a formación, a flexibilización dos trámites administrativos, a ampliación dos prazos de validez dos permisos e a introdución de instrumentos financeiros, servizos específicos ás persoas emprendedoras e incentivos fiscais.
- XII. A Xunta de Galicia e o Ministerio de Economía y Competitividad (MINECO), asinaron, o 27 de decembro de 2012, un convenio de colaboración para o desenvolvemento en Galicia da *Estratexia Española de Innovación*. Entre as actuacións susceptibles de desenvolverse con cargo ao convenio están as relativas a centros de excelencia e crecemento empresarial, impulsando a excelencia nos procesos de planificación estratéxica da innovación empresarial das PEMES galegas, e creando un foro onde compartir as boas prácticas na xestión da innovación na empresa.
- XIII. Tendo en conta o evidente beneficio que actividades como as desenvolvidas por este tipo de programas reportan ao conxunto da sociedade, GAIN, IGAPE, XESGALICIA, o CONSORCIO e VIGO ACTIVO; teñen interese en xuntar esforzos e por en común as súas sinerxías e experiencia en prol da potenciación de programas de innovación e emprendemento que, tendo éxito en edicións anteriores, constitúen un inestimable incentivo ao crecemento económico da Comunidade Autónoma de Galicia.





XUNTA DE GALICIA
CONSELLERÍA DE ECONOMÍA,
EMPREGO E INDUSTRIA



A colaboración das partes no desenvolvemento desta nova edición plasma a efectiva realización dun interese público e fai que resulte xustificada a participación da administración na actividade prevista para acadar resultados comúns aos intereses das partes asinantes.

Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados no Texto Refundido da Lei de Contratos do Sector público, aprobado por Real Decreto Legislativo 3/2011, de 14 de novembro, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

E para que conste, asínase esta memoria, en Santiago de Compostela, a 6 de xuño de 2016

